

華北卷



地

方

志

人

物

傳

記

資料叢刊

北
京
圖
書
館
編

36

北京圖書館出版社

【華北卷】

第三十六冊

地方志人物傳記資料叢刊

北

京

圖

書

館

北京圖書館出版社

第三十六冊目錄

(民國)磁縣縣志

宦蹟	一
人物	一三
鄉賢	一三
孝友	四二
義行	五〇
烈女 節婦	六七
藝文	一三四

(民國)武安縣志

職官表	一六四
選舉表	二〇四
仕宦表	二四四
人物傳	二六四
列女傳	二七七
文徵	二九九
(乾隆)順德府志	
封爵	三一
職官	三一四

選舉	三七四
封廕	四二五
人物	四三〇
列女	四七五
寓賢	四九五
藝術	四九七
仙釋	四九八
藝文	四九九

(乾隆)邢臺縣志

名宦	五二三
鄉賢	五二六
職官志	五三二
選舉表	五四一
仕宦志	五五〇
殊恩志	五五七
人物列傳	五六〇
忠孝	五六二
節義	五六二
文學	五六五
高尚	五六七
節婦	五六八
烈女 游寓	五七四
藝文志	五七六

碑文

五七六

(民國)刑臺縣志

建置

五八三

學校

職官

五八五

職名表

五八六

裁官表

六三〇

宦蹟

六三三

封建

六四一

選舉

六四三

征辟

試格

六四七

科目

六五一

武科

七〇九

仕進

七一七

恩恤

七二九

人物

七四〇

列傳

僑寓 雜傳

七五三

列女

七五五

人瑞

七六五

藝文

七六六

金石

七六六

(乾隆)柏鄉縣志

地理志

七六九

墓冢

名宦

七七二

人物

七七七

列女

七九八

藝術

八〇六

釋老

八〇七

縣令表

八一〇

學職表

八一四

縣尉表

八一七

武職表

八一九

進士表

八二〇

武仕

八二二

舉人表

八二三

貢生表

八二五

歷仕表

八三二

薦舉表

八三四

封蔭表

八三五

著述

八三七

志餘

八四〇

第十六章 宦蹟

在昔封建時代重官輕民禁輿論尙專制非公理重刑法近雖國體更變民權進步而地方榮枯民生裕瘁仍多操縱于親民之官縣牧而廉必自瘦而肥民其良必勞思而理事當其初任必熟察方情經綢陳紀暨其稍久又必舉廢興墜共民休戚他若賑災雪冤慰良鎗莠視縣如家保民若子者代不罕見此俗所以稱父母而史所以標循良也

第一節 唐宋元明名宦

唐代以前磁縣賢令已不可考茲將唐宋元明各代名宦擇誌於後

一 崔珏

崔珏字子玉祁州人唐貞觀中爲滏陽令仁民愛物事簡刑輕政蹟神異召拜蒲州刺史卒於官遺命歸葬滏陽和村鼓山之側邑人思之立祠祀焉

二 程珦

程珦字伯溫河南人知磁州事慈恕剛斷宋熙寧中下新法守令皆亟奉行珦獨抗議指其未便後晉官大中大夫二子顯頤皆大儒從祀聖廟世稱二程夫子當隨父任在磁讀書前滏陽書院有屋

三楹居院之東隅南向爲其讀書處內祀二程夫子位士林稱之爲二程夫子讀書處額曰洛學遺徽書院中之講室曰明道堂興學後改爲第一高等小學校現因事變皆廢毀

磁經五代蹂躪邑井邱墟民每午夜越井取水行露是虞珣於地內相度地勢穿井十三眼旋獲甘泉磁民便之磁西多山溢水環城三面每於夏秋霪雨泛漲山濤助之居民田廬率爲波臣所有珣築長堤亘西南數十里以障之宅隩安處至今爲利

三 宗 澤

宗澤字汝林浙江義烏人登進士第宋靖康元年知磁州時太原失守宦兩河者率托故不行澤曰食祿而避難不可也卽日就道磁經敵蹂躪人民逃徙帑廩枵然澤至繕城浚隍治器械養義勇爲固守之計金人來攻磁澤遣兵擊敗之後累官至觀文殿大學士謚曰忠簡

四 王士元

王士元字堯佐恩州人元泰定四年知磁州值軍興餽餉須索日繁民不堪命士元思節民力悉心區劃至爲將士凌辱訶責不之避

五 李起巖

李起巖字明舉河陰人元至正間爲滏陽主簿書絕私謁三字於門勸民興學諭以孝友廉恥有兄

弟爭訟起巖曰骨肉乖爭實由教化未孚深自咎責其人慚謝而退

六 周 敏

周敏字敏中太平繁昌人以儒行舉明洪武四年來知磁州事時初罷兵民無耒耜以耕多乏食敏躬修節儉不自膏潤嘗謂人曰世習干戈久良心已失難卒治也在化之耳故爲政剗剔繁苛鄉社皆建學擇端正者爲之師暇則詣學宮與學官暨諸生講經史娓娓不倦三年之間民勃然興化後任滿歸民老少赴道上號泣送之祀名宦祠

七 孫 健

孫健浙江餘姚人明萬曆舉進士第十四年知磁州事以廉能著稱創立閘渠引水灌田至今賴之

八 章 啓

章啓字文亨武功左衛人由進士初授戶部主事左遷廣川知縣明宏治十年陞磁州知州剛明果斷綽有治才黃龍白道十餘里地多沙壓上疎滅除其糧修五爪渠以開水利立車騎關以守扼塞創城樓增重關爲堤防計正德間流賊之變賴以保安至今德之

九 胡 寧

胡寧直隸灤州人由監生明弘治九年任磁州州判申免沙壓地土以輕民稅分解歲貢瓶罇以寬

民力稱爲能吏祀名宦祠

十

栗永爵

栗永爵山西長治縣人由舉人明嘉靖四十一年任舉廢務實政勤民如鑄器興學社築城堤勸農桑以及禱雨輒應皆歷歷可指父老尙稱道之

十一

劉安仁

劉安仁雲南臨安人由舉人明萬曆十九年知磁州修城建閘後世賴之助民婚喪鯁鯁不倦蒞任既久循良稱最陞濟南府同知祀名宦祠

十二

李建功

李建功號雲台鐵嶺衛人生有神力善騎射襲世職指揮使授守備陞都司明崇禎九年河北盜起令建功駐磁州州西沿山一帶群盜盤据賊首妻自揚保馬鞍砦負隅不下建功率師攻之自揚就縛羣盜逃散河北漸次就平

第二節

清代名宦

近代以來清代享國最爲長久而磁之賢州牧亦指不勝屈茲擇其事功卓著里巷父老傳頌不置者分志於後以資觀感

一 何中舉

何中舉瀋陽貢生順治十年知磁州潔己自奉實心愛民供應大兵過境閭閻無擾陞江寧知府

二 沈志禮

沈志禮鑲白旗人康熙三年知磁州歲旱開渠引水溉田秋禾乃登征收賦稅不差一役而賦亦不虧

三 趙纘

趙纘灤州人拔貢康熙十一年知磁州遇事剛斷不畏豪強州南東陳等六村有沙壓地民苦賠賦趙爲覈額外地墾荒田五十二頃抵補減積累無算升同知

四 任塾

任塾懷寧進士康熙二十年知磁州性廉介抵任盡革陋規以學宮頽廢鬻產五百金修之崇文課士科目浸興後祀名宦祠

五 蔣擢

蔣擢大興人康熙三十五年知磁州性嚴毅人不敢干以私疏渠導水以興水利修廢舉墜百度維新以卓異陞戶部員外郎

六

俞鴻馨

俞鴻馨浙江梅鹽縣人雍正間以翰林知磁州適大水壞民廬親歷勘視無力興修者捐俸以助漳濱民地與他邑交每被侵佔公按志圖正之詳除漳村等水淹石壓地糧以去民累卒於官州人立廟祀之

七

博爾多

博爾多滿洲人嘉慶十三年任磁州知州實心任事遇旱禱雨鼓山烈日中步行數十里雨輒隨之人以爲至誠所感倡捐興修文廟書院籌束修膏火延師主講士樂橫經文風不振州人於書院之前設位祀之名曰博公祠

八

何道榜

何道榜山西靈石人嘉慶十六年任磁州知州性剛強果於任事十八年冬滑縣教匪滋事警報頻仍公佈置嚴防人心賴以無恐嗣大兵過境一切供應親自督辦有兵擾民居執以白其主帥嚴懲兵皆帖然十九年境內荒歉匪徒聚衆搶掠公親督各役往捕獲犯用巨枷枷斃之殺一敵百匪皆解散境賴以安

九

王殿傑

王殿傑陝西涇陽人由舉人嘉慶二十二年任磁州知州老成持重作事認真考試生童拔取真才聽訟公允民情悅服以卓異陞東路同知

十 陳政典

陳政典四川舉人道光二十七年署磁州知州性寬厚勤政愛民每聽訟畢必詢及兩造家事與父言慈與子言孝作息訟歌以勸士民

十一 玉簡

玉簡滿洲鑲白旗官學生咸豐四年任磁州知州爲治清勤日坐堂上有赴訴者立即處理下鄉不擾村民在任十餘年以廉潔著

十二 程光澄

程光澄墊江舉人同治十年知磁州事先是高錫康任曾修城之東南兩面未竣工而陞任十二年程循舊規將各處完全修妥並修續州志四本詳見藝文修城記

十三 張寶善

張寶善安徽監生光緒四年任州事時值大饑州民死者無算繼往開來乃於六年建立義倉捐穀八千七百石歲修經費發商生息又於彭城鎮設新義倉捐穀一千二百七十石八年設立義學四

處

十四 許之軾

許之軾字仲坡浙江錢塘人光緒十七年任磁州知州性剛直政尚嚴峻執法如山吏民畏服重修南關大石橋改名涉利橋惠及行旅捐廉購書籍遺愛士林修搭漳河草橋輪年值役費以萬計公燭其奸疏請上峯撥款公修打破保正差役歷年規弊廉潔持躬二十七年卒於官

十五 李兆珍

李兆珍字星治福建舉人光緒二十八年知磁州尊經重士書院課藝皆手披閱選拔多知名士尊奉公令創立蒙養學堂四十餘處課本皆捐廉購發其夫人亦儉樸異常凡澣濯縫紉等事皆自爲之清慎勤三字能身體力行者惟公爲最後遞陞至安徽省長民國十六年卒於津年八十有六

第三節 民國賢縣令

國體變更政治維新雖曰國家政權操之人民寔則地方之榮枯與民生之庾庠仍視乎地方長官之良否茲將民國以來磁縣之賢良縣令分錄於左以示不忘

一 劉孟揚

劉孟揚字伯年天津庠生民國七年五月知州事時值大水爲災之後以海軍部薩總長賑款關修

由西門至車站馬路一條復修南關大道八年捐款修墊自北門至二十里舖之大道九年大旱凡關於救荒保安等事無不盡力而爲以賑款修縣城至彭城馬路取消按牌攤款辦法由各約共推約長一人經縣署委任充任全約領袖行政事務至是始有執簡馭煩之便在磁六年縣境大治

二 龐觀泉

龐觀泉字鏡淵青縣人民國十六年知磁縣事時值天門會與紅鎗會互相殘殺乃設和平中立隊從事調解拼死數次卒告成功後令各團丁解除武裝復歸鄉里並次第將不受縣政府指揮村庄漸復舊觀雄才大略輿論翕然

三 陳中嶽

陳中嶽字誦洛民國二十年任磁縣知事爲政清廉關心慈善到任之初檢察接管卷內有留養局利息每年三百六十元養濟院利息每年五十餘元公以兩項利息形同陋規盡數撥歸磁縣救濟院作爲慈善專款辦理救濟事業公又喜好武術曾於是年招集磁縣各村武術會共同到城內比賽名曰國術競賽優勝者分別給獎以資提倡當國家多事之秋公能提倡武術可謂知所先務矣

四 孫振邦

孫振邦天津人民國二十二年調任磁縣知事爲政果決性剛毅耐勞動到任伊始即招集各機關

公務人員四十餘人舉行晨操聘請拳師教練太極拳術飭公務人員除去長衣統著制服三年如一日又磁縣保衛團曩在各約散駐費多力弱孫公毅然改編六大隊分駐縣境要隘既省經費兵力又強調遣亦捷便是年冬值劉匪桂堂蹂躪武涉等縣竄擾磁縣南北王庄等村孫公聞警不避艱勞躬率六大隊赴北王庄剿堵磁境賴以保安磁縣南關石橋舊因過高難行車馬公於二十四年勸民捐輸拆去舊橋改建平橋行旅稱便公又提倡潞河鑿井造林以利民生修築道路橋梁以便交通且行事以身作則不辭勞苦凡修路植樹等事皆肩荷杵鑿身先士民故民雖勞不怨公又持身廉介不通苞苴有以私謁者輒嚴詞斥之誠近代賢令也二十五年去任磁民感德措集巨款欲爲公造鑄銅像以紀念之因事變損失未竟其事

五

黃希文

黃希文字英傑遼甯復縣人民國二十八年任磁縣知事值事變之後民生凋弊已達極點公爲政和平關心民瘼人頗德之溢水東西兩閘爲沿河村民惟一命脈天雖亢旱磁民生活不大感困難者以有溢水灌溉也二十九年友方忽有拆除兩閘之議磁民聞訊惶恐萬分訴諸公經公多方折衝友方始緩其議三十年友方又有改漳入溢之舉已劃定界線矣磁民聯名稟於公曰溢河一水遇夏秋大雨尙往往浸人田廬若改漳入溢夏秋水漲磁民必盡遭漂沒公又多方疏解友方亦暫

緩辦又以文廟頽壞不堪則勸捐補修之幼年失學者多則籌撥教款多開班次以教誨之凡此種種皆公關心民膜之表見也

第十七章 人物

第一節 鄉賢

士大夫所自立者曰「德行」曰「勲業」曰「志節」曰「文章」四者備於一身則其人爲特出之人如是而曰賢誠賢矣此以爲衡恐數十年或數百年無人焉如戰國時藺相如明末之張鏡心是也降格以求則窮居者以德業著仕進者以勲業顯遇危難則志節見具天才則文章鳴苟有其一焉或二三焉皆可名之曰賢本編十分之八九皆是也此之所謂賢乃一鄉之賢若藺相如張鏡心諸公者乃一國之賢非一鄉之所得而私也茲將磁縣歷代之鄉賢分志於後

一 藺相如

藺相如戰國時趙人爲趙宦者令繆賢舍人惠文王時得楚和氏璧秦昭王聞之使人遺王書願以十五城請易璧王與廉頗諸大臣謀計未定求人可使報秦者未得繆賢曰臣舍人藺相如可使於是王召見問相如曰秦王以十五城請易寡人之璧可予否相如曰秦強而趙弱不可不許王曰取吾璧而不與吾城奈何相如曰秦以城求璧而趙不許曲在趙趙與璧而秦不與趙城曲在秦均之二策寧許以負秦曲王曰誰可使者相如曰王必無人臣願賁璧往於是遂遣相如奉璧而入秦秦